

Ársskýrsla Drafnarhúss 2014

Starfsemin

Það voru 43 einstaklingar sem nýttu sér dagþjálfun í Drafnarhúsi árið 2014, 23 konur og 20 karlar. Meðalaldur var 79,3 ár (58 ára til 93 ára). Skjólstæðingar geta sótt þjónustuna alla virka daga eða tiltekna daga í viku hverri. Meðalbiðtími eftir að komast að var 5,7 mánuðir. Umsóknir um dagþjálfun fyrir einstaklinga með heilabilun er í umsýsningu minnismóttökunnar á Landakoti.

Þjálfunin miðar að því að viðhalda líkamlegri, vitrænni og félagslegri færni skjólstæðinga og tekið er mið af ástandi hvers og eins hverju sinni. Boðið er upp á mat á heilsufari, þjálfun og virkni, aðstoð við athafnir daglegs lífs, félagslegan stuðning og fræðslu og ráðgjöf til aðstandenda. Farið er eftir markmiðum dagþjálfana í rekstri FAAS, lögum um málefni aldraða og reglugerð um dagvist aldraða.

Aðstoð við ADL miðast við að viðhalda getu og virkni skjólstæðings eins og kostur er með hans eigin þátttöku. Það voru 31 af 43 skjólstæðingum sem fengu aðstoð við böðun og 18 af 43 fengu eftirlit með lyfjagjöf í samvinnu við heimahjúkrun og aðstandendur.

Starfsmenn

Í lok árs 2014 störfuðu sjö starfsmenn í Drafnarhúsi í 6,3 stöðugildum. Starfsmaður var í 20% námsleyfi í 6 mánuði á árinu og veikindadagar voru 80 og fjarvera vegna veikinda barna 12 dagar. Starfsfólk sér um ræstingu í húsinu þrjú daga vikunnar á móti hreingerningarfyrirtæki.

Starfsfólk sótti árlega fræðslu heilabilunareiningar á LSH. Starfsdagar eru þriðja hvern miðvikudag frá 14:00–16:30. Þá gefst starfsfólki tími til að skipuleggja starfsemi hússins og fara yfir ýmis mál sem greiða þarf úr. Nokkrir starfsmenn úr dagþjálunum FAAS stofnuðu kaffihúsaþópin *Gleym mér ei* árið 2012 og halda kaffihúsakvöld yfir vetrarmánuðina. Það voru haldin voru tvö kaffihúsakvöld í Drafnarhúsi árið 2014 og var mikil ánægja meðal aðstandenda og skjólstæðinga með það framtak.

Aðkeypt þjónusta

Læknisþjónusta kemur frá Landakoti, Björn Einarsson öldrunarlæknir hefur sinnt því frá upphafi og kemur hann í vikulega í húsið. Einnig er hægt að hafa samband við lækninn þess á milli ef ástæða er til.

Skjólstæðingum stendur til boða flutningur milli heimilis og dagþjálfunar við upphaf og lok dvalar hvern dag. Akstursþjónusta Þórunnar Tómasdóttur hefur séð um aksturinn og nýttu flestir sér þjónustuna eða 40 af 43.

Fótaaðgerðafræðingur veitir skjólstæðingum reglulega þjónustu sem þeir greiða sjálfir fyrir, kjósi þeir að nýta sér hana. Ræstingafyrirtækið Hreint sér um þrif á húsnæði starfseminnar tvo daga í viku. Erfiðlega hefur gengið að fá sömu manneskju sem sér um þrifin og yfirleitt þarf að árétta eitthvað sem betur má fara. Hádegismatur er aðsendur frá Matborðinu. Fimm skjólstæðingar fengu sjúkraþjálfun hjá Sjúkraþjálfaranum sem er staðsettur í sama húsi og Drafnarhús.

Húsnæði

Húsnæðið hentar vel undir starfssemi eins og dagþjálfun, lögð er áhersla á að umhverfið sé heimilislegt og hlýlegt.

Heilbrigðiseftirlitið gerði enn og aftur athugasemd við léleg þrif á húsnæðinu og benti á að gólfefni á eldhúsi, baðherbergi og salernum væri óviðundandi vegna slits. Eiganda húsnæðis hefur verið tilkynnt um ástand gólfefnis. Ræstingarstjóri hefur einnig bent á að áðurnefnd gólf séu erfið yfirferðar vegna slits. Hafnarfjarðarbær greiðir leigu á húsnæði. Starfsfólk þarf að bæta við sig ýmsum verkefnum tengdum þrifum, sérstaklega í eldhúsi og salernum. Sá tími sem fer í þrif væri betur nýttur með skjólstæðingum. Sú hugmynd, sem forstöðumenn Drafnarhúss og Maríuhúss hafa óskað eftir, að fá starfsmann til að sinna daglegum þrifum væri góður kostur.

Stuðningur við fjölskyldu

Fjölskyldufundir eru haldnir með aðstandendum þegar þörf er á og er það vettvangur fyrir miðlun upplýsinga varðandi skjólstæðing. Aðstandendur ráða alltaf ferðinni þegar kemur að því að sækja um varanlega vistun á hjúkrunarheimili. Skjólstæðingur er aldrei útskrifaður frá Drafnarhúsi vegna hjúkrunarþyngdar. Við veitum þeim stuðning og aðstoð þegar þeir vilja sækja um varanlega vistun.

Það fengu 15 samþykkt færni- og heilsufarsmat til vistunar á árinu, níu konur og sex karlar. Enginn fékk synjun og meðalbiðtími eftir vistun voru 28 dagar. Af þeim 17 sem útskrifuðust fóru 12 í varanlega vistun; sex fóru á Sólvang, fjórir á Hrafnistu í Hafnarfirði, einn á Eir, einn á Ísafold og tveimur líkaði ekki að vera í dagþjálfun. Um síðustu áramót biðu þrír eftir vistun á LSH.

Hjúkrunarfræðingar aðstoða aðstandendur við að sækja um hvíldarinnlögn. Á árinu voru 19 með samþykkt færni- og heilsufarsmat fyrir hvíldarinnlagnir. Það fóru 19 einstaklingar í hvíldarinnlagnir í 24 innlögnum, samtals 566 daga á árinu (18,5 mánuði). Einn fór á Dalvík, sex á Sólvang, þrettán á hjúkrunarheimilið Mörk, einn í Roðasali og þrír á Hrafnistu í Hafnarfirði.

Frá Drafnarhúsi voru 11 einstaklingar lagðir inn á LSH vegna veikinda í 14 innlögnum, samtals 232 daga (7,6 mánuðir).

Heimaþjónusta (heimahjúkrun og félagsleg þjónusta)

Af 43 skjólstæðingum voru 24 með heimaþjónustu af einhverju tagi (morgun-, kvöld- og/eða helgarþjónustu) og allflestir voru með aðstoð við þrif á heimili. Aðstoð sem veitt er af heimaþjónustu er m.a. aðstoð við athafnir daglegs lífs, eftirlit og stuðningur, eftirlit með lyfjagjöfum og næringu. Góð samvinna er við félagsþjónustu og heimahjúkrun.

Sjá meðfylgjandi tölulegar upplýsingar milli ára.

Hafnarfjörður 15. febrúar 2015

Erla Einarsdóttir hjúkrunarfræðingur

forstöðumaður Drafnarhúss

Tölulegar upplýsingar milli ára

	2014	2013	2012
Fjöldi skjólstæðinga	43	53	44
Innskriftir	18	27	20
Útskriftir	17	28	18
Meðalbiðtími eftir innskrift	5,7 mán	5 mán	8 mán
Meðaldvalartími útskrifaðra	14,2 mán	18,9 mán	17,7 mán
mest	48 mán	84 mán	64 mán
minnst	1,5 mán	½ mán	1 mán
Meðalaldur	79,3	81,4	81,5
aldursbil	58-93	57-92	58-91
Konur	23	23	23
Karlar	20	30	21
Búa með maka/börnum	28/43	32/53	31/44
Búa einir	15/43	21/53	13/44
Fá heimaþjónustu (hjúkrun og/eða félagslega þjónustu)	24/43	35/53	24/44
Liðveisla	0	0	1
Aðstoð við böðun í Drafnarhúsi	31/43	40/53	ekki athugað
Aðstoð við lyfjagjafir í D.húsi	18/43	14/53	ekki athugað
Fóru í hvíldarinnlögn	19 í 24 innlögnum	22 í 28 innlögnum	20
Samtals í hvíldarinnlögn	18,5 mán	24,2 mán	15 mán
Notfæra sér akstursþjónustu	40/43	46/53	39/44
Fengu Færni- og heilsumat	15/43	22/53	?/44
Meðalbiðtími eftir hjúkrunarrými	28 dagar	2,2 mán	ekki athugað
Sjúkrahúsinnlagnir	14 (11 skjólst.)	29 (21 skjólst.)	13 (12 skjólst.)
meðaltími	7,6 mán	14,6 mán	7,3 mán
Útskrift á spítala	3	3	3
Andlát (heima eða á spítala)	0	2	2